

5

T 3230/8114.81

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
MAY 29 1941

饒平縣志卷之九

孝義

生我鞠我怙恃之恩罔極和樂且耽鵲鳩之詎藹  
然蓋愛敬之良百行莫先焉事親孝可移於君事  
兄順可移于長雖為善于家克之而橫天地塞四  
海矣志孝義

宋都統張達邑之漸山人景炎間帝為元兵所逐至  
泉州遇滿壽庚之叛登舟入海駐驂紅螺山下

賴川劉梓纂修

哈佛大學漢和  
圖書館珍藏印

南灣地名達與駙馬陳植都部頭馬驥輸粟餉軍復

率義勇護驛匡山之變達與陸秀夫等俱死焉

明王隆字宗道天性凝重孝友夙成年十六時父彰

為刑部郎死於大同貶所萬里歸櫬就喪盡禮

母痛父不欲隆學舉業隆日夜苦讀業成而母

不知領天順三年鄉薦授徐州學正秩滿棄官

歸孝養愈至居鄉十餘年民無競者

李方南洋人少孤事母至孝出入雖至近必告業

漁擇其美者供母餘鬻諸市不貳價成化甲辰

颶發海潮滔天水突入方室方奉母避之不及

遂抱母以死收其屍母子相抱如生不可解邑

令張濬聞之給衣棺以殮上其事於監司不報

吳耀字孟經蘇灣南洋人天性孝友信義早著事

母愛敬有加母終哀毀骨立又能克恭厥兄愛

洽羣弟合家六十餘口同爨五十餘年非義弗

取凡所入悉付公用盜嘗夜入其室行竊以去

至數日後潛送還云家訓嚴肅務在敦本業遵

古道次子典領宏治辛酉鄉薦任京山知縣耀

寄書惟以清慎相勗，與奉父訓，惟謹能其官。

楊東昇字時晦，隆眼城都人。天性孝友，少孤貧，力學，凶吉以禮比壯，餼於邑庠。七試於鄉，不遇，遂棄去，爲大館師，以訓邑之子弟。督學魏莊渠深愛之，造就二弟，成立居三十餘年，無間言。年四十餘，無子，後娶生一子，人稱爲道德所貽。

陳應賓，大埭人，邑庠生。性孝友，年二十三，遭家疾，疫親，疏戚畏避。應賓侍父，繼芳調湯，不解帶者累月。父卒，殮以禮，哀毀骨立。兄嫂相繼以病，或

尚以貧廢，今廢矣，何以爲生？輒垂淚，更益其價。嘗曰：吾不願子孫富貴，惟願讀書明理，克行吾志耳。年三十六，舉郡賓，御史嘉之，扁其門，懿行可風。孫朝斗，邑庠生。

陸祺，字吉人，寶仲子也。生而孝友，親膳必省視，而進親怒，必跪請，怒息方起。冬月郊行，遇漳客凍倒，解衣覆之，死爲之具棺，葬馬。輕財好施，里人義之，餼庠四十餘年。壽七十有一子，應珩，田孫。華邑學庠生。

余作祥字淑侯元歌人也少孤力學事母廖氏孝  
廖卒祥哀毀口不入水漿者六日乙巳歲自城  
移居大榕鄉值歲荒祥作粥以賑數月不倦教  
授澄邑多所造就借子元綺所著有詩釋捷解  
四卷學者稱爲毛源先生常施棺掩骼及爲人  
娶婦鄉里頌之前令戴薦德行督學使者以文  
行兼優四字獎之丁卯歲貢於鄉年六十三未  
仕卒子三人長拔雋國學生次琛郡庠生三元  
綺邑庠生

勸之去曰天分不可逃也湯藥不輟兄嫂沒賓  
亦病守劉秉鑑聞而獎之至賓已卒矣人嘉其  
義而痛其不幸

陳淵下岱人性孝友年十六喪父家貧事母周氏  
篤謹母疾憂不食母食乃食撫育二幼弟成立  
分產受其旱瘠者後二弟亡淵撫仲之子夔季  
之子隱如己子年六十尚勤胝服勞處鄉黨和  
易人偶有失物必拾以還有爭鬪者一言卽解  
可以驗其素孚於人矣

李瑛性。如居祿曹有僞者風歷事昭。考。日招申。授舜典。青災肆赦。怙終賊刑之。以議獄吏部奇之。置上第家貧甚及官平和幕獲俸置產均分二弟不私其子焉。

吳同赦下灣人性敦厚事親至孝平居動不踰則父謙約處士不命之坐不敢坐雖老不易嘗曰愛親者不敢惡於人敬親者不敢慢於人自少至老未嘗有惡言加人。

陳民則大埕人嘉靖末倭寇掠大埕民則走入複壁其庶弟民儀被擄賊二哨爭不平欲殺之民則出謂賊曰此我弟願俱擄我去各分一哨乞勿殺賊乃各擄一人以去其弟還免於害。

黃夙興字國達號峭雪鴻埕人生而壯偉性孝友醇樸舉家謹然無間僮疏財見人困乏施與無吝又喜與賢豪長者遊仲弟河清業儒有無相通勸勉敦至故其仲竟以儒起焉。

黃允德號雪松邑之鴻埕人性方嚴不容人過里中人稍有嬉嫚者輒相謔曰黃細公來蓋德行。

二晚自稱細公也有膽力善運槩隣惡少爲盜嘗率十餘徒夜至德家德乘高刺之中二人賊爲吐舌避去後莫敢窺德甲者嘉靖末倭陷大城德時避難城中率衆巷戰被擄年已七十餘矣語同擄者曰吾老矣生平是何等人安能作此曹俎上肉也遂自縊死後以孫琮錦貴累贈大夫如其官

許大權隆眼城都後溝人家世業儒旁窺律數隆慶間蘇灣賊首朱良寶聞其名計劫入幕誘脇

備至終不爲動慷慨自盡賊義之厚殮以歸後以子時謙貴贈文林郎敕有云盜泉不飲秉烈夫之節白刃可蹈高義士之風時人榮之

黃夙盛號若山鴻埕人爲人篤實醇厚孝友尤著兵火之後家徒四壁樂施濟家貧每半其入別貯以給貧乏晚年益廣人或謝之盛曰鄉黨義有相周豈爲惠也後以子貴贈尚書

英循忍下灣人邑庠生庚申年倭賊掠下灣擄循忍母去循忍擇至聖門泣告曰母老不能行乞

以身代擄循忍去

周文翰大埕人邑庠生辛酉倭陷大城父周政被擄厚索無以應後賊移營欲擄以去文翰挺身乞代曰君輩不過欲銀豈有子往而父不贖之理賊許代父歸

李阿五柘林人父病癰將死或言得生人骨可愈五自斫一指磨水以進遂愈

李尚靖上灣人敦厚孝義兄弟三人父分產兄得閭不愜意尚靖以閭易之之後兄債負重疊捐已

貲及已田代輸家患疫弟及婦淪亡人皆避之尚靖自為殯殮如禮嘗獨行見家人竊其粟潛步歸家人感媿請罪尚靖曰後勿如此遭歲饑佃所晒鹽悉委以自鬻糊口其他素行多稱是

國朝

謝運開中饒人性篤孝父邑庠生王表苦學嬰病運開晨夕侍衣不解帶十有三年如一日庚午秋寇至時父沒未塋身衛父柩不忍去寇感嘆釋之創祀田供歲事不匱延師課子弟併廩鄰



子弟之貧而窘于東脩者與同塾還江耀遺金五十兩讓劉沛腴田十三畝歲造橋濟徒涉者三乙酉海氛告警謀族衆築堡置守禦器計捐田十五畝金五十有奇甲午紅頭之亂賴以全活者甚衆仲叔弟及長子家昌俱邑庠生仲子元瀛登戊戌進士仕浙之石門縣有惠政賢父兄成之也康熙二年奉前督學侯批准府縣詳祀鄉賢

黃偉球字玉左邑庠生元歌人少有孝行母呂氏疾篤割股啗之多延年紀祝令贈其柩曰孺慕動天

林應元明經林夢麟之子自成童卽以能孝稱因父病篤割股啗之血流遍地合家惶懼獨能處之安安諸友擬聞其事於縣哀求寢息不喜沽名尤爲難覲

楊周若宣化人生員楊百壽子也壽爲弟報仇冤未雪死若痛悼徧控當事卒置仇于法誅之遂閉戶讀書年二十四拔府試第一遊邑庠值黃

海如作亂澄邑被其毒凡慕義來貸者毫無靳  
予被擄者贈金以贖被殺者施棺以殮甲申後  
海寇猖狂若與從姪朝斗出家藏券敢死士禦  
之鄉里獲安子朝暉邑庠生

陳孟壯宣化人性狷介雖至貧分毫不苟取一日  
往黃岡買米負歸量之多一斗黃離壯家二十  
餘里壯不憚遠送還之與人渡灣砍柴風阻不  
得歸衆竊田間番薯食之壯爲不義餓數日其  
生平操行皆如此

文斗號元極元歌都人爲人敦孝友樂施與年  
專延師訓督子姪外人有來讀者束牋皆代肩  
之戊子歲大饑捐穀一百石賑與鄉親縣有扁  
旌獎一文居賓筵之位邑人製錦稱觴子士傑  
士會士珙俱庠生孫厠邑庠不一其人壽七十  
八

邱鍾秀號復是邑學生爲人克孝克友父有時發  
怒秀跪地下勸解必候怒息始起每黎明隨伯  
兄到父寢所問其安否其進膳也皆已先嘗始

獻未嘗一語觸犯慈顏而又善誘後進邑中明  
經子衿多出其門惜數奇僅餼于庠壽五十有  
五長嗣瓊戊午副榜克貢次祖堯邑庠生

詹元尊中饒人幼好學孝友有聲嘉靖間徵為廸  
功佐卽未幾棄官歸時張璉作亂尊避寇邑中  
鄉族間待舉火者六十餘家病為購藥死者買  
棺殮之子平江德行優著三舉鄉賓

楊茂樟宣化人性純美有儒者風鄉里爭鬪者聞  
樟言卽自悔解每置產必咯嗟曰彼先有田地

莊汝濟號樂清宣化人也性醇謹好書充為耆長

岐家學中年出以問世治輒劾上自當事下至  
窮簷造請者殆無虛日汝濟亦無分晷夜風雨  
寒暑道里遠迭成赴焉其操會者心益切以故  
人無貴賤莫不感悅尤喜持危振厄癸巳間潮  
鎮亂四鎮合兵討之江鎮其至得汝濟知其能  
醫善禮之及事平與伴請歸稚十一人汝濟心  
知無辜訪其家悉還之後兩粵開府盧潮駐將  
軍王成重汝濟九地方利害兵斯約束汝濟亦

時為公言然未嘗自矜人亦不知其所自開府  
盧延至... 贈... 裝五十金道經惠州遇...  
妻者... 與之他如焚券救獄施藥施棺諸  
感其德者或至... 香供祝而汝濟年八十餘敦  
善不怠古所稱長厚君子者殆其大歟孫...  
幼能文亦知醫... 祖德云

吳夢龍字禹社信寧都仙村人父乘六遭亂早...  
母蘇氏苦志貞守夢龍侍奉至孝魁梧好學裕  
經濟才為常道器重以母多病不求仕時逢遷

隱逸

梧桐所棲離離高崗之鳳苗藿不食皎皎空谷之  
駒用則為虎潛亦稱龍樂考槃之碩人志伐檀之  
君子置邱壑中誰曰不宜志隱逸

明崔士風字邦定董山人雲峯其別號也家貧力學  
不嗜華利與人無毫髮之競喜吟咏有詩云老  
來短褐堪寒雪惟願春風早世間又云雪峯以  
外慵翹目一味山芹老主人樂天憂世之志往  
往如此嘗結南洋諸老為社著山林閑集二十

四孝詩藏于家倭亂散失無存

薛疊字崇文先世詔安人少孤貧天性孝友喜讀  
書不治產業携妻子入湖卜居于東洲遂家焉  
羈旅蕭然手不釋卷與人恂恂言笑不苟人重  
之附籍于饒二子維元俱有父風雍領鄉薦第  
三事在太傅疊人溯三十年足不一至城市嘗  
著清野集三卷人呼爲清野翁云

周濂字吉甫性剛儼學有淵源督學趙公稱饒庠  
才子耽嗜山水每植奇花異卉徜徉自適應例  
真不樂仕進優游名勝以自怡悅尤喜獎進後  
輩一時英賢如張侍御輩皆出其門高雅之操  
遠邇共仰

陸寶號我朝元敬都人生而醇謹好善力學以數  
奇九試不利設館聚徒授徒者幾半邑雖盛暑  
必危衣冠門人不敢內顧仰視造就成名者衆  
有子三長正真生仲祺廩生季宸歲壬午科舉  
人任知縣 贈父如其官孫應瑄捷進士諸孫  
饒庠濟濟人以爲嚴師之報云

黃秀川元歌都處士理學黃勉齋第七子建饒之  
孫爲人好善樂施德行寬厚如構學延師建祠  
築橋周貧乏捨醫藥施棺木鄉族戴德爲之製  
錦以壽焉子孫濟濟皆有文名或副車或歲薦  
或太學或庠生不能悉載八十六卒

呂廷會號振川元歌都人爲人敦行誼樂周恤詩  
書教子登賢書者應琪應璜諸孫成名者衆舊  
友綱菴黃宗伯深器重之鄉居足跡未嘗及郡  
邑爲盜劫掠詣營訊知賊叱衆中夜護回享壽

八十有八

柯廷慎號敏予元歌都人誠樸仁厚喜施予置產  
價必滿售者之願不與較年開發穀遇價賤時  
始糶價貴卽不糶糶必期其盡餘者無常與不  
問其還值歲將暮查親朋借貸艱于償者無論  
多寡火其券嘗買李金日子田五畝後李貧不  
能支慎并券還之俾耕食以終天年兩舉邑賓  
邑人製錦亦積善致也子國楹璋文邑明經諸  
孫餼庠濟濟

黃巨林大垤人生平樂善好施篤孝友族眾皆宗  
奉之嘗途中拾遺銀拾兩坐守道旁俟失主至  
詢與相符交還之又年饑一人盜割其稻見林  
駭奔林婉詞喚回仍多割與之迨病將終命其  
子將人貸券盡火于房且誡日後母得問孫尚  
霖魯孫大猷一庠生一國學生

### 流寓

嶺南漲海唐宋間多爲逐臣所謫居自明迄今乃  
稱土宦善地騷人墨士往往接跡至潮卽次懷資  
無或旅處而號咷者獨饒崇崗峻嶺過客落落若  
晨星間有遊踪所涉永建乃家亦足見山川秀起  
煙嵐瘴銷矣志流寓

宋梅州尉陳亞先徽州婺源人宋孝宗時任梅州尉  
護師海上因寓下岱居焉

郡馬吳翁保宋理宗時自漸山來寓下灣

教授陳市齋

志其名

自晉江縣來寓江浦鎮後移

居大港磁窰

武經郎陳堃字候經號康齋龍溪人唐將軍元光

二十四代孫學士圭之弟也從叔祖玉潤郡馬

勤王至厓山宋亡與張世傑斷維而出以六艦

泊于奔嶺港志求立趙氏後為恢復計因楊太

后崩元人索宋師未降者急甚乃逃匿九侯岩

卒葬其地

張知府

志其名或曰孟祥

閩縣人仕為福惠二郡守自南

墓來寓上底住雙頭崗上泚武十四年有墾田

自馬頭至灣港今沒於沙

通判鄭勵閩縣人仕惠州通判洪武二十四年自

南臺來與張同寓上底住港頭上埔

學士湯

失其名

自漳州來寓柘林少松吳繼澄祖

召寅者洪武二十四年有祭外考學士湯公文

華選號雪苑江南無錫人性豪邁工詩書法遒勁

其遨遊天下每得錢輒與賢豪歡飲醉後則放

歌自適雖囊橐蕭然泊如也癸亥歲來饒凡饒



之山川景物多所題咏後去而復來者三戊辰  
冬卒于饒所著有歷遊草若干卷饒士人知其  
詩者咸悼惜之

南臺來與眾同寓土室主數與土制

蘇泮瀟瀟閩隸人出惠州蘇泮泮熱流二十四年自  
自馮顛至饒於今幾餘世

導來寓土室計幾與閩土以丸十區平育聖曰

### 列女

乾龍之剛坤馬之正皆正氣所流形也皇甫之妻  
懸頭夏侯之女截耳當與睢陽齒常山舌竝著奇  
烈載在彤管良足多矣饒禮教未泯笄流淑質多  
有逢變伏節誓死靡他者是巾幗而鬚眉矣志烈  
女

宋陳璧娘都統張達之妻景炎時達赴紅螺江護蹕  
璧娘送至洲上而回後復作平元曲一篇寄之  
云三年消息無鴻便咫尺憑誰寄春怨何不將

我張郎西協義維舟同虎帳無術平寇報明主  
 恨身不是奇男子倘妾當年未嫁夫願學明妃  
 獻西魯元人未知肯我許吾能絲竹又能舞幾  
 四間難幾欲死未審三郎能再覩宋亡達死氏  
 得達屍葬之不食卒

明陳氏東界人解元員外陳琬孫女也母潘氏十年  
 孀居正淑無間天子表之氏有母之姿嫁於邑  
 學生許光太太卒氏年二十四唯一女哀痛之  
 餘念舅姑在強起視息孝聲丕著

秋溪今海陽處士陳確軒妻也二十四而亡所

天自經者屢以抹得免時垂白之姑在堂呱呱  
 之子在抱家徒壁立奉姑維謹薪米之需一出  
 於織維外氏憐其荼苦欲奪其志拔刃厲聲曰  
 所不即死者為老姑及一塊肉在耳若相迫吾  
 血染汝衣矣事遂止時海寇猖獗遠近鄉多受  
 其害至陽山寨則曰此陳節婦鄉也不敢犯而  
 去一方賴以全

陳女蘇灣山頭子人已卯秋海寇何八破其鄉殺

戮甚衆女時將及笄隨繼母避之已出里門母顧之曰柰何獨遺布絮耶女重違母意往取被執踞地罵之聲淚俱下賊露刃挾以行遇柱堅抱不去亂刀之下血流蔽地猶不絕口遂死柱下厥明姑至抱之哭鮮血猶從鼻迸出混混不休

陳二娘年二十歸唐閔爲妻鄉賊張阿賀掠至元鍾欲污之罵曰奴輩安得如此遂赴水賊憐其貌救之起罵不止至以刃相向曰爾不過分我

屍耳安得辱我遂遇害

張氏上底陳應魁妻二十四孀居撫遺孤嘉賓長聚吳氏女未幾嘉亦死生二男婦姑相依終焉

補一門雙節云

余氏黃岡人大埤陳勳梧妻勳梧贅居外家夭歿氏昇夫歸殮朝夕哭奠以禮閨閫內只一幼婢績紉以自贍有言及改志事者輒碎一器曰此心有移者如此器

呂氏儒士錢廷懋之妻也年二十霜居撫幼孤恭

先誓不再醮其父呂思正歿奪志不從及恭先  
夫婦歿歿氏年四十矣自痛無後矢志益堅思  
正陰圖改適於余姓者至稱翁壻氏覺恚甚自  
經卒

黃氏呂之婦錢恭先妻也其夫天歿氏二十二哀  
號四日夜決志殉之不受衰服有勸之嫁者曰  
狗行何以見夫子於地下勉之守則曰旣無子  
矣何守爲遂絕食自經死鄉人聞其事兵憲胡  
公扁其家曰節烈齊芳

陳女黃岡人陳懋女年將及笄戊午冬倭陷黃岡  
堡驪之女被執欲淫不從罵聲不絕遂被害

鄭女黃岡人邑庠生以興女也笄而末字戊午之  
難婦女被繫纒纒如貫女度終不免先賊未入  
其家藏身於井死之

周氏大埕周涂六女倭陷大城所女從父避城中  
被掠義不受辱遂遇害

張氏上底人南出洪文學有執之妻也被賊擄遇  
構手攀之不去賊破其手復以身緣之賊并碎

其屍

井洲女子忘其姓氏辛酉冬十一月八日夜半倭陷井洲砦民罹鋒刃者數千婦女纍纍繫兵間黎明執女刃挾以行哭罵之遇墻首觸以與速斃倭初不忍殺至觸益力聲益烈乃斷其腰棄之而去時里嫗有伏莽中者目其狀明以行至其家述之甚詳

陳女南洋人邑庠生陳思鳴女也戊午冬倭破南洋思鳴挈妻黃及女避之倭得思鳴與女黃脫

去思鳴盡與倭金與脫女與已也倭釋思鳴繫其女思鳴奪之倭殺思鳴女堅抱父屍不去遂併殺之

陳悅娘秋溪都

今隸海陽

陳亨季女也幼許嫁莊家未

婚而莊卒誓守終身媒妁百計不移嘗自縊父母不敢奪其志居處常依祖母祖母歿女時年已四十茹素獨居至死不變

陳正娘士底文學陳明舉女年十五許聘詔安沈國梁或言其家貧甚繼母欲悔之明舉遊學在

外未知也女言於母曰貧窮女命也吾聞諸父  
曰婦人縱一而終既已許之更之不義母怒答  
之遂赴井死

許氏生員黃祚齡妻年二十二祚齡卒氏矢不二  
適未亡人數十年奉姑孀始終不懈有勸之持  
齋禮佛者曰我堂上佛有兩尊違事黃面老子  
乎舅姑卒哀毀骨立兩臺以事聞奉旨建坊旌  
節孝時崇正十二年也子應朝兵部員外贈父  
如其官氏封宜人

陳氏生員余英之妻舉人教諭大期之姊也年一  
十四英死無嗣家故窮勤儉事姑畧無怠色夫  
兄鐫弟墓石不及陳氏泣曰我余家婦也死當  
同穴請鐫之誓不二數年夫之兄亦死無嗣陳  
畢力營葬哀麻慟哭弔者感之平居不踰閭閻  
守舊產爲夫家祭需

吳氏宣化都葉逢陽之妻漳浦人也年二十夫隨  
舅被逮之京道亡無嗣霜居五十餘年嚴如一  
日成育二女雖老言及涕泣累日壽七十有八

以夫兄子溥爲繼舉春秋魁爲當時名吏吳氏成之

鄒氏柘林湯珽妻梅浦鄒邦常女也年十九珽亡姑憐其少微示以他適意泣曰婦分當與夫偕亡止以翁姑在故不忍耳姑不復敢言霜居十年行甚肅一日父疾篤歸省舟過黃芒溝颶作知不免歛衣起拜曰此天所以終吾事也三日屍浮如生鄉人陳理爲立傳

許氏詔安許潛女大埕陳德家婦也十七歸陳閱歲夫亡矢不再醮事舅姑至孝教子繼芳爲儒年七十終

岳氏大埕宦家女下灣吳重嘉妻也十九歸吳未一載夫亡遺腹一子勵志撫孤始終一德年七十三人無訾議

楊氏海陽人大埕生員陳文珏妻也年二十一與夫歸外家耳痛卒遺孤三月祖母憐之誘以再適氏憤激觸柱幾死良久復蘇扶柩歸夫家事姑以孝謹聞于應霜稱諸生年十八終督學

蔡可泉聞之扁以正節

林氏廣西憲長林功懋女上底陳蓋妻也蓋爲石  
圖陳公季子早卒氏痛欲自經家人嚴衛之遂  
不食死死之日饋膳嫗啓其櫃蔬菜狼藉其中  
乃知饋膳時狎受之而實棄之也年二十五  
劉氏儒士張重任之妻也年十八夫亡遺孕後生  
一女配邑生員翁士琪父母勸嫁堅節不從善  
事姑嫜鄉人稱賢壽九十有四歲

劉朝梁氏副榜之鼎女會魁猶龍同懷妹也配邑庠

陸大宜二十一歲而孀遺嗣二長甫四歲次僅

匝月氏催裂將自裁其舅明經陸正與夫叔辰  
箴夫弟應瑄以翁老樹孤勉氏忍死課二子成  
立時饒邑多故氏貧甚十指供菽水歡及舅姑  
葬親治灰土邑有孝聲生茶集蓼言不踰閭今  
次男贈衣克體母志勉事詩書已進黌序矣其  
長嗣亦不幸早逝媳何氏甘同矢志水霜自凜  
鄉人稱之爲一門雙節孝云

黃細娘適詹門年十八夫亡未子遺腹三月後產



男孀守撫養今年八十

詹氏帶娘生員詹恒占女也適貢生柯壬馨次男志聯孝於舅孀以順爲正產一男一女夫早逝氏方二十二歲泣血撫孤經繙救回足不出門矢志無他男女皆氏苦心養育族人稱焉

黃氏細娘貢生黃上瑞之姊字於詹二十二歲夫逝氏哀痛骨立孀守撫孤壽已七餘親朋定縣經給扁旌其家子衍肇監生孫永琳永琳俱庠生

徐氏配夫巫姑性嚚氏晨昏奉事維謹及姑病周年衣不解帶姑怒卽赴床前跪息方起及終哀毀盡禮

楊開娘邑庠生楊良宏之女也遇寇義不受辱罵賊自刎年方一十六歲

黃氏生員黃善養女也適生員詹養元之第七子事舅姑以孝聞勸夫勤學至脫簪珥不惜年二十夫死遺孤一氏矢志苦節晝夜辟纊以供菽水訓誨二子咸得成立次見賢邑庠生

黃氏二娘邑糧田鄉人也適夫劉峻閣年二十有二未育遂失所天堅志孀守氏兄弟欲奪其志氏聞之謂未亡人誓無二心引刀欲刎妯娌解慰始息夫弟感其節烈祝天曰願早產男爲嫂嗣未幾果得猶子入繼氏雖食艱茹苦安之如飴幸而嗣子爲若長成所娶之媳亦係黃氏天性純孝其事姑也噫咳謹膳羞備姑終殯殮盡禮族人稱賢相傳爲節孝震美孫之膺爲出處岸生亦天報也

邱氏天娘邑內人配夫劉某產一子年二十失

偶氏紡績營生携子孀守逮子名琦成人娶婦

陳氏于歸一十六月年終十七產一男甫十日

遂與姑同寡陳氏痛絕數次幸蘇姑以數日孤

雛未十成立兼家計蕭條日食難支微言諷氏

別圖氏揮淚跪訴姑前曰妾夫不幸不能終養

所恃朝夕相依者妾耳妾何面目忍背姑以負

地下人幸無復言嗣是勤女紅供菽水撫孤兒

歷艱四十年有如一曰族人嘉其節孝請縣扁

旌獎扁曰姑媳節孝不期子鹿金又夭折姑媳  
哀痛大過姑遂得病而逝棺殮喪祭皆氏肩之  
她子連亡幸有一孫有原年已成丁朝夕相依  
柰陳氏積病亦遂告殞三世一綫百折不回闔  
邑憐而稱之

李氏監生吳宗龍之妻善事公姑每進膳手姑皆  
氏親自調獻不假婢手姑病篤氏口爲嘗粥睦  
妯娌恤臧獲族人有急者不時皆藉以舉火鄉  
黨稱有賢德焉子應運應輔應第皆庠生

熊大娘上饒熊欽吾女適邑人林君慧慧母病風  
氏侍湯藥不離床側者凡七年至妯娌中或偶  
觸姑怒氏必跪解俟姑意釋始起族里以孝稱  
子可坪邑庠生

朱氏大娘適夫黃呈玉年二十四而喪所天痛絕  
者屢以二老在堂二子方在襁抱堅心孀守流  
離靡他克孝克慈內外無間言長子世奇邑庠  
生

翁氏三娘邑庠生翁士琪之妹也適夫邱奉資年

二十三而寡初喪天日絕粒數天氣絕復蘇因矢志孀居堅正自勵撫一男一女婚嫁皆肩之今其子文蘭爲邑庠生亦苦節報也

氏適生員詹天顏長子六飛姑黃氏病篤割股以進奉侍湯藥數月不倦族里以孝稱

劉氏生員詹士達妻年二十二夫死氏苦節自矢事姑勤菽水祈寒盛暑晝夜不倦撫遺孤雖堪愛必嚴於義方長子成正邑庠生

黃氏元歌人生員黃端鯤女適冠帶鄉賓詹名區第六子事姑孝姑病氏侍湯藥五晝夜不瞑目焚香祝天願以身代年二十八夫死氏痛悼欲自刎姑泣謂曰若三孤何遂冰操自勵勤儉訓子鄉里稱其節孝

劉大娘宣化劉樹三之女也適里人楊公白白死家貧甚堂有老姑父母憐大娘欲嫁之大娘峻拒遂典衣飾爲夫立嗣子蓬頭跣足拮据養姑不繼則自餓鄉里感其節孝好義者給粟助之楊三娘宣化楊周若之妹也適生員吳振玉弟年

二十一 夫死遺孤喬瑾甫三歲家道窘乏三娘  
勤苦自矢奉舅姑育孤兒歷十餘年瑾長爲娶  
媳陳氏無子妾李氏娠數月瑾亡李氏產男天  
沐中間盜賊遷斥經變不一姑媳母子四命相  
依人稱一門三節天沐邑庠生

張氏旬娘黃岡人配廩監楊周裕第三男爲婦產  
男三女一歲廿五卽喪所天時值斥地流離播  
遷幾難自保氏獨毀容泣血甘心孀守以撫孤  
幼雖百折而不回焉今第三男楊邦偉遊本色

庠生

氏娘子姑大港楊拔唐之女配黃岡許晉若爲  
妻年廿四夫卒舅孀老兒女幼且時值遷斥流  
離瑣尾人皆朝不保夕爲氏謀者咸謂他適便  
氏獨勵志孀守上事二老下撫孤幼歷變至常  
而能不渝其操永節洵足風云

楊氏珠娘澄海人適東界下灣吳景岳爲妻岳卒  
氏年一十八歲遺孤僅十月家無立錐氏矢志  
孀守事姑盡孝伊父給氏歸寧欲奪其志氏涕

泣不從隨回針工養姑以孝聞後姑因求乞殯  
墓長育遺孤以繼宗祧鄉人嘉其苦節

林氏恬娘東界上里人生員林際芳之女適神前  
劉興文為妻年廿六喪夫後二載翁亦繼亡氏  
刻苦養姑胼手胝足毫無怨言哭夫致病六年  
死鄰里流涕不休

杜氏叔娘東界大港人生員楊朝斗女也適黃剛  
生員余射虹三子余啟齋為婦夫卒氏年二十  
二姑先甫過歲所遺田畝盡虛曠衣食不給

八朝 子不貳其志鄉里咸誦

信寧 五乘 八讀書好義值寇亂

護衛閭里賊忌之計襲致死蘇氏截髮  
毀面免於難孝奉姑鄭氏朝夕罔懈訓子夢龍  
才為當時推重不幸夢龍卒蘇氏晚年

湯藥曲盡婦道人以為

但善報云云 八十有三請縣給匾表其門曰  
節孝雙旌孫入子邑庠生文俊文侯俱太學生

平縣志卷之十

潮汐

賴川劉并纂修

郡以潮名志地之濱於海也海水朝至曰朝夕至  
曰汐獨稱潮迎朝氣也饒分自潮郡之海邑東據  
海潮之朝至有海隅日出罔不率俾之象焉且夫  
晝夜進退不愆其期是謂潮信尹此土者政實有  
恒無朝令而夕更當於潮監志潮汐  
每年卯酉之月陰陽之交會也氣以交而盛潮大於

他月每月朔望之後初三日十八日天地之變化也  
氣以變而盛潮大於他日初三十八日大晝夜寅申  
時至踰時退初五二十日減初九二十三時半隨至  
隨退十三二十七漸長每日所至之期遞減一時  
以爲常每歲夏秋之交颶風作海潮因之爲大小大  
則衝突掩沒濱海居民患之

兩東里志潮汐考

東里之地自東南迤邐西北皆距大海大港灣港  
潮汐出入之門也說文云朝至曰潮夕至曰汐

叔蒙云海經出入之度浮屠書云神龍變化海嶠  
志以爲水隨月之盈虧王克論衡以爲水者地之  
血脈隨氣進退臨安志以爲海水盈而爲潮縮而  
爲汐晝夜消長不失其期故謂之潮信高麗圖經  
云天包水水承地而一元之氣升降于大虛之中  
氣升地沉則水溢而爲潮氣降地浮則水縮而爲  
汐抱朴子云天河從北極分爲二條至於南極其  
一經南斗中過其一經東斗中過兩河隨天轉入  
地下遇兩水相得又與海水合三水相蕩而天轉



之故激湧而成潮水盧肇海潮賦云日附于天天  
心旋入海而日隨之水因其灼激而退退於彼必  
益於此日激水而潮生月離水而潮大地浮於水  
天在水外日入則晚潮激於左日出則早潮激于  
右邵子曰海潮者地之喘息乎所以應月者從其  
類也海潮圖序云潮之進退海非增減蓋月之所  
在則水往從之故月臨卯酉則潮漲乎東西月臨  
子午則潮平守南北彼竭此盈往來不絕皆係於  
月變南則以長短星值日爲消長凡此數說其皆

不同然達者無微近者謬陋惟邵子之言最約而  
中蓋大地之氣升沉摩盪無須由之停水也乃其  
氣之流行而可見者然江河津液之水也大海則  
胸腹之水也故潮之有消有長猶人之有呼有吸  
乃其自然之理至於潮之必應月者則又以為太  
陰之精不得不然者也余襄公圖序之言實與邵  
相表裏蓋邵言其理而念則直指其事且所謂月  
臨卯酉則水漲乎東西者言月在卯酉之方則水  
縮極而復生也顏云月上水長又曰月落水轉正

此說也所謂月臨子午則潮平平南北者言月在  
子午之位則潮長極而將退也頌云月盡水滿是  
也潮之消長三辰而盈三辰而縮一晝一夜而消  
長凡再然積二日而必差一辰則應月之驗耳何  
也日行一晝夜運旋三百六十五度而天一周月  
之行也一晝夜不及日十二度有奇以晝夜百刻  
計之一刻皆得三度六分半潮惟應月故一消  
長得六時二刻有奇一晝夜再消長共得十二時  
四刻強恰好湊及十二度有奇之數積二日共差

八刻強而遲一時積十四日半得刻凡五十而潮  
復值其初此所以二日必遲一辰而朔望之潮所  
以相同也初一初二之月則夕隱于西而晨出於  
東十五十六之月則夕生于東南而晨沒于西故水  
皆以此時漲守東西至其日夜之中則月或在天  
上或在地中皆臨子午之位故潮皆以此時平乎  
南北潮視月升沉以爲消長自古及今未之能易  
也新會志則以潮汐分爲五節初初二初三十  
六十七十八則爲之平初四初五初六十九二十

廿一則爲之落言水勢微劣也初七初八初九廿  
二廿三廿四則爲之敗魚蝦退散網罟不施初十  
十一十二廿五廿六廿七則爲之起種植醞釀醫  
灸忌行十三十四十五廿八廿九三十則爲之旺  
余襄公云晦望前三日潮勢長後三日潮極卽此  
起旺之期也月元之際潮之去來合沓不盡卽此  
敗落之期也東里潮海濱人則以十三日爲起水  
至十八十九爲大水時二十日爲落至二十七日  
爲小水至二十八爲起水至初三初四爲大水時

初五爲落至十二爲小水時至于朔望之晨其水  
已消而惠州所屬之潮方長則海門有二三丈  
或南或北有不能盡一者耳今居民以其年  
二時後以長半滿汐半竭六字推之亦一法也  
邱金聲曰縣之東南直抵海岸其地六月三日  
習利蒙於漁鹽害生於風濤吞吐有歲時  
爽此志東里者所以輯之特詳而亦下之所  
敢因循於舊乘也

平金贊曰：縹之東南直海，嶺其間。六...  
 二...以...半...六...  
 知...北...不...  
 曰...  
 曰...  
 曰...  
 曰...

海颶

颶字從風從具，即音具。而俗每誤寫從貝，遂讀作貝。且因貝而舊志誤為報，所謂以

訛傳訛者，此類是也。

天地之氣，陽虛陰吸而已矣。嗟則為風，為雨，吸則為霜，為雪，故春陽之月，風雨時作，其作也先發南風，後轉北風。滄海鯨波，滾浪滔天，風雨晦暝，山川潛形，若有神力以使之然也。故自冬至後，近春作南風，乍轉北風，海濱人謂之颶。正二月內，共四十九颶，皆小颶也。頽云：夜颶，日亦颶，正月颶，不勾二月颶，來奏其云。某日有某颶者，蓋天地有自然之

氣數有一定之候計此日可作風雨亦如月令  
云某月也雷乃發聲大雨時行之類期與日會人  
以爲神作之然耳若颶與日會不同則氣運遲速  
之故而日月晷刻之不齊也志海颶

正月五日也道家爲諸神朝天回風雨  
隨之謂之迎神颶初九日玉皇颶此日有雨則諸  
颶皆雨十五日元宵颶諺謂雨打上元燈者也或  
謂雲蓋中秋月雨打上元燈者乃今年中秋有雲  
則明年元宵必雨此田家五行之說非海颶也

天地一氣耳海颶與田家五行豈有二天耶雖謂  
田家五行爲海颶亦可也儲華谷六農家以霜降  
前日有霜則知清明前一日霜止霜降後一日有  
則知清明一日霜止此天運之常也意亦如此

二月十六日陳聖王颶陳聖王者唐將軍陳元光也  
生於是月十六日卒於十一月五日英爽在天漳  
州人祀之故云二十二日小使颶二十五日三山  
國王颶

三月清明節清明節或前或後非定月之三日遇必

有風雨蓋寒食者節也是月也有真武颶焉則初三也俗謂之挽草颶此日人皆採水草做米糲今間有之耳有望海王颶焉則初八也有娘子颶焉則十二也有真人颶焉則十五也若二十一日之判官小鬼颶則風雨甚惡二十三日之天妃颶則風雨視十五爲作止諺謂真人無作天妃無颶云四月初一日烏口大王颶王不知何神海濱人多敬信之是日有雨則果實不熟田禾減收毋亦春甲子夏甲子之云乎初八則有佛生日颶初十則有

瀛村颶

五月初五日端午節颶風雨時作或以爲屈原是日少汨羅天司之蓋始於詠史者楚天毒雨年年五月五日公屈原之故耳楚月也夏至焉百歲也然此颶矣或時將北風則必先作東風而雨隨之發之狂者則爲疾風俗呼爲風台諺謂斗東風三斗水是也十三則有關王颶又謂此日龍教子多作風雨云二十九日有土地娘颶人皆祭田八月一日分龍節余於湖日嘗見雲物騰於大海

古人謂之分龍霧光閃爍亦異矣哉十二日彭祖  
必爲彭祖告終之日十九日觀音颶謂觀音渡海  
一日也年每有風雨者廿五日符法公颶是月也  
候不順滾浪巨測海濱人謂之海蕩舟不敢行  
七月秋颶自此遇雨皆謂之西北矣秋日有西北  
則有四十九日西北故凡收穫之期而天雨連綿  
者以此也處暑後西北大作則爲之台蓋颶風也  
過秋分後則無矣

八月中秋颶諺謂雲蓋中秋月者是也是月各村鼓

祭賽神亦古風

或云土地生日而祭不

茫茫土地從何而生耶誕也甚矣

五月陽颶二十三日夫八颶

月初一日水仙王颶二十五臨水夫人颶

冬至颶諺謂冬至乾年暝濕冬至濕年暝乾

二月二十五日送神颶道家謂此日諸神朝天風  
雨隨之三十日除夕颶道家舞於是夜以五谷種  
將碗覆于灶上以驗次年豐歛如其種散行其年  
必熟甚驗亦田家五行之說

蘇轍士庶同而主甲出甚矣

蘇轍亦言八賦

如云土出主日而祭不

凡春

之

架不時鯨浪駛流噓忽震動

兵舟彝

難以控馭常預圖之故春汛起于三月

止于五月秋汛起于八月止于十月大將乘壑

臣等督占國里天象時觀雲物防于其防厥惟

志海汛

占天朝看東南有黑雲捲起東風勢急午前

暮看西

雪半夜又有風雨歌云遊絲九地

清朝起海雲風雨霎時辰風靜時



雲氣之由必烈

占雲東風雲過西雨下不移時西風即沒雲雨下已  
時辰雲起南山噴風雨辰時見日出卯遇雲無雨  
大必陰雲隨風雨疾風雨雲時息迎雲對風行風  
雨雲時辰日暮黑雲接風雨不可說雲布滿出低  
迎霄雨亂飛雲從龍頭起風連急雨西北連  
生雷雨必生禱雲勢若魚鱗來  
後排 色屬人猶夏雲勾內出秒 必勾背不  
泉不 夜雨愁過西雨 雙龍大颶惡逆

雲半開閉大颶隨風至亂雲天須絞風雨來不少  
風送雨傾盆雲過都閣了紅雲日出生勸君莫出  
行紅雲日沒起晴明便可許雲行砲車同必主起  
大風雲變魚鱗天不雨亦風顛

占風秋冬東南風雨下必相逢春夏西北風下來雨  
不從汛頭風不長汛後風姑吐春夏東南風不必  
問天公秋冬西北風天光日色同長夏南風輕舟  
輕最可許深秋風勢動風息浪未靜夏風連夜傾  
不晝便晴明雨過東風至晚天起添劇風雨潮相

從颶風難迴避初三須有颶初四還可懼望日二  
十二颶風君可畏七八必有風汛頭有風至春雪  
有一二旬有風君須記二月風雨多出門還可記初  
八及十三十九二十一月十八兩四月十八至  
風雨帶來潮防船人難避端午汛頭風二九君還  
記西北風大往回南必亂地六月十二日彭祖連  
天忌七月上旬爭秋風穩泊河南人莫開船八月  
下旬候潮時風雨隨潮汐不可移  
月暈主風何方有闕卽此方風來也

夏秋之交大風及有海沙雲起謂之風潮名曰颶  
風此其四方之風有此風必有霖雨同作

一凡風單日起單日止雙日起雙日止

一凡風起早晚和湏防明日再多

一有暴惡之風盡日而沒

一防夜起之風必毒

一凡東風急風急雲起愈急必雨雨最難晴

一凡春風易于傳報一日南風必還一日雖早有此  
風而晚必靜

一凡南風尾北風頭南風愈吹愈急北風吹起愈急  
一春南夏北有風必雨

一雲起下散四野病日如烟如霧名曰風草主風起  
凡雨陣自西北起者必黑雲如潑墨又必起作眉梁

陣至先大風後雨雨急易晴

一水際生靛青主有風雨

一秋天雲陰若無風則無雨

一月盡無雨來月初必有大風雨俗云二二五五六若  
無雨初三初四莫行船春有二十四番花信風梅

花風打頭練花風打末

一月在箕畢翼軫四宿風起之日也

二月春其畢翼帥四前風鼓之日出  
於風其隨將出風其未

氣候

無者有之君也氣者形之母也兩儀既判播五行  
於四時朔南殊方寒暑異候有幽風所未載月令  
所未詳者嶺南炎天恒燠少寒陰陽變化之故始  
於太乙苞於一元非管蠡所能測也志氣候

地僻東南暑多寒少稀見霜雪桃李冬華禾稻兩熟

春末秋初栽秧  
夏末冬初割稻夏秋間多暴風霖雨三九之月瘴霾

蔽空人畜染之得疾豆麥染之不熟旦夕之際晴則  
著雨則寒冬或衣葛夏或重裘語云四時皆是夏一

傳平縣志 卷之十一  
雨便成秋信哉

東里志云天地之氣陽主溫溽盛于東南陰主嚴  
凝盛于西北此其槩也東里居東南海濱溟渤噓  
潤溫風徐來而陽燠之氣常泄地卑土鹹嵐沍霧  
騰而陰濕之氣常盛陽泄故四時常花三冬不雪  
一歲之間暑熱過半隆冬久晴或可揮扇矣陰盛  
故濕氣鬱蒸霧雨淫喻三伏之內或卽凄寒衣生  
白醭白蟻作孽矣若乃怒濤恒風斷虹驟雨二九  
日瘴症侵人而有青草黃茅蘆花菊花之號或渾

身太熱而銀海生花或遍體震寒而玉樓起粟八  
九月颶浪蕩天而有拔木飛屋翻沙走石之異將  
發之時天氣清肅雲物飛繞起于東而盛于北衰  
于南暴雨兼之則海漲水溢漂沒人居人生其間  
氣壅汗多暑濕易侵諺曰急脫急着勝如服藥云  
氣候之不常也

序墜下多昏感易刻歲正為前意言卷中列

上南暴雨兼之明感熱水溢熱致人暴人坐其間

六人餘故熱寒熱非熱致于東而溢于其身

人其熱感熱天而許其木氣濕少表不之異殊

長大熱而難其才升其西熱感其而正其熱聚其

